

禮

記

要

義

原缺

諸侯大夫大夫妻及士之妻卒皆於夫之正寢  
解此世婦以君下寢之上爲適寢者夫人卒於  
君之正寢世婦卒於君之下寢之上者與皇氏  
異雖卒夫寢皆婦人供視之是亦婦人不死男  
子之手也案服虔注左傳義與皇氏同夫人之  
卒在於夫人路寢比君路寢爲小寢故僖八年  
夫人不薨于寢則不殯于廟服虔注云寢謂小  
寢也皇氏熊氏其說各異未知孰是故兩存焉  
知死正寢者案春秋成公薨於路寢道也僖公

薨於小寢譏即安謂就夫人寢也隱公薨不書地失其所文公薨于臺下襄公薨于楚宮定公薨于高寢皆非禮也案莊三十二年公羊傳何休注云天子諸侯皆有三寢一曰高寢二曰路寢三曰小寢孫從王父之寢案周禮掌王之六寢之脩何休云天子三寢與周禮違不可用

三復魄則真人狄人設階

復有林麓則真人故階無林麓則狄人設階  
六復招魄復魄也階所乘以外屋者真人主

釐之官也秋人樂吏之賤者階梯也冀虞之類

**四**大冕以衣名冠爵弁以冠名衣

士以爵弁者士亦用助祭上服以招魂大冕則以衣名冠諸侯爵弁則以冠名衣今言爵弁者但用其衣不用其弁也公館復注

**五**東榮與東霤之異

云升東榮者謂卿大夫士也者以鄉飲酒鄉射是大夫士之禮去設洗當東榮止云東榮故知是卿大夫士禮今之兩下屋云天子諸侯言東

雷者雷謂東西兩頭為屋簷雷留下案燕禮云設  
洗當東雷人君殿屋四注燕禮是諸侯禮明天  
子亦然

子坐東方世子尊

既正尸子坐于東方者子謂世子世子尊故坐  
于東方謂室內尸東故主喪禮去主人入坐于  
牀東是也 卿大夫父兄子姓立于東方者案  
士喪禮衆主人在其後又云親者在室鄭云謂  
大功以上依准士禮父兄子姓大功以上正立

于室內東方今此經總云卿大夫父兄子姓立  
于東方以士禮言之當在室內但諸侯以上位  
尊不可不正定卅子之位故顧命康王之入翼  
室恤宅宗不宜與卿大夫父兄子姓俱在室內  
也卿大夫等或當在戶外之東方遙繼主人之  
後

**七** 外宗姑姊妹之女

云外宗姑姊妹之女者但姑姊妹必嫁於外族  
其女是異姓所生故稱外宗案周禮外宗外女

之有爵者若其有爵則爲外命婦此別云外宗容無爵者女之女亦是異姓所生而不云者則上文所謂子姓是也周禮有內宗內女之有爵者此不言者則前文姑姊妹是也但姑姊妹已嫁國中則爲命婦別云姑姊妹者容在室女未嫁及嫁於他國或雖嫁國中從本親之位故別云姑姊妹也不云舅之女及從之女也外宗中兼之略可知也

八 初喪非所尊不出

之喪未小斂爲寄公國賓出大夫之喪未小斂爲君命出士之喪於大夫不當斂則出注云父母始死悲哀非所尊不出也出者或至庭或至門國賓聘大夫不當斂其來非斂時

**九** 男子髻髮婦人髻及東西房之制

小斂主人即位于戶內主婦東面乃斂卒斂主人馮之踊主婦亦如之主人袒說髻括髮以麻婦人髻帶麻于房中注云士既殯說髮此云小斂蓋諸侯禮也士之既殯諸侯之小斂於死者

俱三日也婦人之髻帶麻於房中則西房也天子諸侯有左右房正義曰士之既殯諸侯之小斂於死者俱三日也者謂數往日也云婦人之髻帶麻於房中則西房也者案士喪禮主人髻髮袒衆主人免于房鄭注云釋髻髮宜於隱者是主人等髻髮在東房士喪禮又云婦人髻於室以男子在房故婦人髻於室大夫士唯有東房故也此經兼明諸侯之禮有東西房男子既髻髮於東房故知婦人髻及帶麻于西房云天子

諸侯有左中右房者欲明經中房是西房也天子  
路寢制如明堂熊氏云左房則東南火室也右  
房則西南金室也諸侯路寢室在於中房在室  
之東西也

弔者襲裘加武帶經拾踊

弔者襲裘加武帶經與主人拾踊注云始死弔  
者朝服裼裘如吉時也小斂則改襲而加武與  
帶經矣武吉冠之卷也加武者明不改冠亦不  
免也檀弓曰主人既小斂子游趨而出襲裘帶

經而入正義曰謂小斂之後來弔者揜襲裘之  
裼衣若未小斂之前來弔者裘上有裼衣裼衣  
上有朝服開朝服露裼衣今小斂之後弔者以上  
朝服揜襲裘上裼衣加武者賀氏云武謂吉冠  
之卷主人既素冠素弁故弔者加素弁於武  
帶經者帶謂要帶經謂首經總之經帶以朋友  
之恩故加帶與經也若無朋友之恩則無帶唯  
經而已 與主人拾踊者拾更也謂主人先踊  
婦人踊平者踊三者三是與主人更踊

懸壺以哭冬則以木爨鼎

君喪虞人出木角狄人出壺雍人出鼎司馬縣  
之乃官代哭注云代更也未殯哭不絕聲爲其  
罷倦既小斂可以爲漏刻分時而更哭也木給  
爨龜角以爲斟水斗壺漏水之器也冬漏以火  
爨鼎沸而後沃之此挈壺氏所掌也屬司馬司  
馬泚縣其器正義曰君喪虞人出木角者虞人  
主山澤之官故出木與角狄人出壺者狄人  
樂吏主挈壺漏水之器故出壺雍人出鼎者

雍人主鼎者

雍人主耳飪故出鼎也所以用鼎及木者冬月  
恐水凍則鼎漏遲遲更無準則故鼎煖水用虞  
人木鑿釜鼎煮之故取鼎及木也 司馬縣之者  
司馬夏官卿也其屬有挈壺氏掌知漏事故司  
馬自臨視縣漏器之時節故挈壺氏云凡喪縣  
壺以代哭者

**十** 授杖輟杖去杖之節

君之喪三日于夫人杖五日既殯授大夫世婦  
杖子大夫寢門之外杖寢門之內輟之夫人世

葬在其次則杖即位則使人執之子有王命  
去杖國君之命則輯杖聽卜有事於尸則去杖  
大夫於君所則輯杖於大夫所則杖注去三日  
者死之後三日也爲君杖不同日人君禮大可  
以見親疏也輯斂也斂者謂舉之不以拄地也  
夫人世婦次於房中即位堂上堂上近尸殯使  
人執柱不敢自持也子於國君之命輯杖下成  
君不敢敵之也卜卜葬卜日也凡喪祭虞而有  
尸大夫於君所輯杖謂與之俱即寢門外位也

獨焉則杖君謂子也於大夫所杖俱爲君杖不相下也

三 大夫士之子哭殯杖天子諸侯子杖不入

殯廟門

士之喪二日而殯三日之朝主人杖婦人皆杖於君命夫人之命如大夫於大夫世婦之命如大夫子皆杖不以即位大夫士哭殯則杖哭柩則輯杖注去士二日而殯者下大夫也士之禮死與往日生與來日此二日於死者亦得三日也

婦人皆杖謂主婦容立女爲君女子子在室者亦謂凡庶子也不以即位與去杖同哭殯謂旣塗也哭柩謂啓後也大夫士之子於父父也尊近哭殯可以杖天子諸侯之子於父父也君也尊遠杖不入廟門正義曰謂殯宮之門

**所**必遷當牖南首以平生寢臥處

始死遷尸于牀撫用斂衾去死衣注云牀謂所設牀第當牖者也士喪禮曰士死於適室撫用斂衾去死衣病時所加新衣及復衣也去之以

俟沐浴正義曰第牀簀也初廢牀時牀在北壁  
當戶至復魄後遷之在牀而當牖南首所以死  
後必遷當牖南首者以平生寢臥之趣故士昏  
禮同牢在奧又云御衽于奧媵衽良席在東北  
止又曲禮云爲人子者居不主奧是尊者常居  
之處若晝日常居則當戶故玉藻云君子之居  
恒當戶若病時亦當戶在北牖下取鄉明之義  
也故鄭前注病者恒居北牖下明不病不恒居  
北牖下也

浴拒爪足抗衾

管人汲不說緇屈之盡階不升堂授御者御者  
入浴小臣四人抗衾御者二人浴浴水用盆沃  
水用料浴用絺巾拒用浴衣如它日小臣爪足  
浴餘水棄于坎其母之喪則內御者抗衾而浴  
注云抗衾者蔽上重形也拒拭也爪足斷足爪  
也正義曰此一經明浴時也管人主館舍者故  
鄭注士喪禮管人有司主館舍者汲謂汲水  
不說緇屈之者緇汲水瓶索也遽促於事故不

說去井索但縈屈執之於手中一盞階不升堂者以水從西階而升盞不上堂知西階者以士喪禮云爲筥于西牆下故知從西階而升也

浴水用盆者用盆盛於浴水也 沃水用枓者

用枓酌盆水沃尸熊氏云用盤於牀下承浴水

浴用絺布者絺是細葛除垢爲易故用之也

士喪禮云浴巾二皆用綌熊氏云此蓋人君與

大夫禮或可大夫上絺下綌故玉藻云浴用二

巾上絺下綌是也 拒用浴衣者拒拭也用生

浴衣拭尸肉令燥也賀氏云以布作之生時  
有此也士喪禮云浴衣於篋注云浴衣已浴所  
著之衣以布爲之其制如今通裁是也如它  
日者它日謂平生尋常之日也小臣爪足者尸  
浴竟而小臣翦尸足之爪也浴餘水棄于坎  
者浴盆餘汁棄之於坎中坎者是甸人所掘於  
階間取土爲竈之坎甸人主郊野之官其母  
之喪則內御者抗衾而浴者內外宜別故用內  
御舉衾也內御婦人亦管人汲事事亦同前唯

浴用人不同耳

**泚**泚飯米取潘爲沐謂之泚沐

御者差沐于堂上注云差泚也泚飯米取其潘以爲沐也正義曰差是差摩故云泚詩云釋之叟叟是釋泚米也

**甸**甸人爲泚竈

甸人爲泚于西牆下者謂將沐之時甸人之官爲泚于西牆下土泚塹竈甸人具此爲泚竈以奠沐之

一取所徹廟牀以然竈廟即正寢

甸人取所徹廟之西北牀薪用爨之者爨然也  
甸人爲竈竟又取復魄人所徹正寢西北牀以  
然竈煮沐汁也謂正寢爲廟神之也然舊云牀  
是屋簷也謂抽取屋西北簷也熊氏云牀謂西  
北隅牀隱之處徹取屋外當牀隱處薪義亦通  
也何取此薪而用者示主人已死此堂無復尸  
故取之也

指用巾

拒用巾者用巾拭髮及面也士喪禮云沐巾一  
又云拒用巾注云拒晞也清也

如他日

如它日者事事亦如平生也

爪手翦須濡濯弃于坎

小臣爪手翦須者沐竟而翦手爪又治須象平  
生也 濡濯棄于坎者皇氏云濡謂煩擗其髮  
濯謂不淨之汁也言所濡濯汁棄於坎中鄭注  
士喪禮云中擗浴衣亦并棄之

稻粱卑於黍稷又四者各有貴賤

玄士喪禮沐稻此玄士沐粱蓋天子之士也者  
若士喪禮玄是諸侯之士而沐稻今此玄士沐  
粱故疑天子之士也玄以差率而上之天子沐  
黍與者案公食大夫禮黍稷爲正饌稻粱爲加  
是稻粱卑於黍稷就稻粱之內粱貴而稻賤是  
稻人所常種粱是穀中之美故下曲禮玄歲凶  
大夫不食粱故諸侯之士用稻天子之士用粱  
黍稷相對稷雖爲重其味短故大夫用之黍則

味美而貴故特牲少牢爾黍于席以其味美故也詩頌云其饗伊黍鄒注豐年之時雖賤者猶食黍是黍貴也故天子用之無正文故疑而云與也

**士與婦人皆䟽食水飲**

士䟽食水飲者䟽麤也食飫也士賤病輕故䟽食麤米爲飯亦水爲飲 夫人世婦諸妻皆䟽食水飲者婦人質弱恐食粥傷性故言䟽食水飲也

四片食穀而言納財

正義曰財謂穀也故太宰云以九賦斂財賄也  
注云財謂泉穀是穀爲財但米由穀出經已稱  
米故鄭云食穀必言納財者以一日之中或粥  
或飯雖作之無時不過朝夕二溢之米當須豫  
納其米故云納財也

士襲用袍繭斂用正服公皆不用袍繭

袍必有表不禪衣必有裳謂之一稱注云袍褻  
衣必有以表之乃成稱也雜記曰子羔之襲繭

衣裳與稅衣纁襦爲一是也論語曰當暑袗絺綌必表而出之亦爲其褻也正義曰袍必有表不褻也袍是褻衣必須在上有衣以表之不使褻露乃成稱也 注袍褻至褻也正義曰引雜記者證子羔之襲有袍爾衣上加稅衣爲表乃成稱引論語者證衣上加表死則冬夏並用袍上並加表熊氏云褻衣所用尊卑不同士襲而用褻衣故士喪禮陳襲事爵弁服皮弁服祿衣士云祿所以表袍者是襲有袍士喪禮小斂云

祭服次散衣次注云祿衣以下袍繭之屬是也  
斂有袍士設禮又大斂散衣是亦有袍若大夫  
襲亦有袍案雜記云子羔之襲繭衣裳是也斂  
則必用正服不用襲衣故檀弓云季康子之母  
死陳襲衣注云將以斂散姜曰將有四方之賓  
來襲衣何爲陳於斯命徹之若公則襲衣大小  
斂皆不用襲衣知者案雜記云公襲無袍繭衣  
輕尚無則大小斂無可知也

商祝習商禮

士喪禮商祝主斂明諸祝主斂也故引此文以證之商祝者案士喪禮注云商祝祝習商禮者商人教之以敬於接神宜也

●大小斂服左衽不紐

小斂大斂祭服不倒皆左衽結絞不紐注云左衽衽鄉左反生時也正義曰鄉右左手解抽帶便鄉左示不解

●序端堂廉

子弁絰即位序端者序謂東序端謂序之西

頭也 卿大夫即位于堂廉楹西者卿大夫謂  
羣臣也堂廉謂堂基南畔廉後之上楹謂南近  
堂廉者子位既在東序端故羣臣列於基上東  
楹之西也案隱義云堂廉即堂上近南霤為之  
也

**馮尸先後**

凡馮尸者父母先妻子後者凡主人也父母妻  
子謂尸之父母妻子也父母尊故馮尸在先妻  
子卑故馮尸在後

喪廬或宮或檀不塗

父母之喪居倚廬不塗寢苦枕函非喪事不言  
君爲廬宮之大夫士檀之注云宮謂圍障之也  
檀袒也謂不障

同前

居倚廬者謂於中門之外東牆下倚木爲廬故  
去居倚廬不塗者但以草夾障不以泥塗之  
也寢苦枕函者謂孝子居於廬中寢臥於苦頭  
枕於函非喪事不言者志在悲哀若非喪事

口不言說 君爲廬宮之者謂廬外以帷障之  
如宮牆 大夫士檀之者檀祖也其廬袒露不  
帷障也案既夕禮注云倚木爲廬在中門外東  
方北戶

既葬柱楣塗廬皆宮

既葬柱楣塗廬不於顯者君大夫士皆宮之注  
云不於顯者不塗見面正義曰既葬柱楣者既  
葬情殺故柱楣稍舉以納日光又以泥塗辟風  
寒 不於顯者言塗廬不塗廬外顯處 君大

夫士皆宮之者以大夫士既葬故得皆宮之

三 既葬若國家有事從權禮

君既葬王政入於國既卒哭而服王事大夫士  
既葬公政入於家既卒哭弁經帶金革之事無  
辟也注云此權禮也弁經帶者變喪服而弔服  
輕可以即事也正義曰此一經是權禮也若值  
國家有事孝子不得遵恒禮故從權事此云既  
葬謂葬竟未卒哭也 王政入於國者謂王政  
令之事入於己國也 既卒哭而服王事者謂

事出爲王服金革之事也。使云謂此言君既葬  
王政便入國。侯卒哭乃身服王事前云君言王  
事謂言答所訪逮而已。王政未入於國也。大  
夫士既葬公政入於家者亦權事也。謂國之政  
令入大夫家也。既卒哭弁絰帶金革之事無  
辟也者。此謂服國事也。弁絰帶者平服也。言卒  
哭則有平服。今有事不得服已變服而服平服  
以從金革之事無所辟也。變服重平服輕故從  
戎便也。此與君互也。此言服弁絰則國君亦弁

經國君言服王事則此亦服國事也但君尊本  
言奪服耳然此云弁經帶弁經謂平服帶謂喪  
服要經明雖弔服而有要經異凡乎也

**四**鄭注禫踰月而可作樂䟽禫字忘非

既練居塋室不與人居君謀國政大夫士謀冢  
事既祥黝塋祥而外無哭者禫而內無哭者樂  
作矣故也注云黝塋塋室之飾也地謂之黝牆  
謂之塋外無哭者於門外不哭也內無哭者入  
門不哭也禫踰月而可作樂樂作無哭者黝

或爲要期禫或皆作道正義曰云樂作無哭者  
以其樂作故無哭如鄭此注之意以祥踰月作  
樂故禫時無哭矣則經云樂作之文但釋禫時  
無哭之意不釋祥之無哭皇氏以爲祥之日鼓  
素琴樂作之文釋二處兩時無哭與鄭注違皇  
說非也定本禫踰月而可作樂禫字作祥字禫  
之踰月自然從古樂作可知恐禫字非也

**禮記** 婦人父母喪既練歸夫家一說卒哭可歸  
婦人不居廬不寢苦喪父母既練而歸期九月

三十一  
者既葬而歸注云歸謂歸夫家也正義曰女子  
出嫁爲祖父母及兄弟爲父後者皆期九月謂  
本是期而降在大功者案喪服女子爲父母卒  
哭折筭首玄謂卒哭喪之大事畢可以歸於夫  
家此云既練歸不同者熊氏云喪服注云卒哭  
可以歸是可以歸之節其實歸時在練也

**庶子居喪歸家之節**

大夫士父母之喪既練而歸朔月忌日則歸哭  
宗室諸父兄弟之喪既卒哭而歸注云歸

歸其宮也忌日死日也宗室宗子之家謂殯宮也禮命士以上父子異宮正義曰此一經明庶子遭喪歸家之節大夫士謂庶子爲大夫士也禮命士以上父子異宮故大夫士有父母之喪至小祥各歸其宮也隱義曰大夫士父母之喪既小祥而歸庶子爲大夫士者也適子終喪在殯宮也朔月忌日則歸哭于宗室者朔月朔望也忌日死日也宗室適子家殯宮也雖練各歸至忌日及朔望則歸殯宮也

**七**叔弓卒去樂卒事而往

昭十五年有事于武宮篇入叔弓卒去樂卒事公羊云君聞大夫之喪去樂卒事而往可也故鄭云去樂卒事而往未襲也是卿未襲而往案柳莊非卿衛君即弔急弔賢也

**八**孝子拜賓無答拜之理

正義曰案曲禮凡非弔喪非見國君無不答拜然則喪法孝子拜賓無答拜之理今者君出孝子雖拜君無答理而云拜近則爲君之答已者

以尋常禮敵孝子雖拜賓無答理今君來臨臣  
臣既拜迎尊卑禮隔意恐君之答已故不敢拜  
迎案僖二十四年左傳宋先代之後於周爲客  
有喪拜焉者謂其餘諸侯來弔國喪以其卑主  
不拜之若宋來弔王用敵禮拜謝之亦是主人  
拜賓之義也

**凡殯櫨之制**

君殯用輜櫨至于上畢塗屋大夫殯以精櫨置  
于西序塗不暨于棺士殯見枉塗上帷之注云

橫猶取也屋殯上覆如屋者也幬覆也暨及也此記參差以檀弓參之天子之殯居棺以龍輅殯木題湊象椁上四注如屋以覆之盡塗之諸侯輅不畫龍橫不題湊象椁其他亦如之大夫之殯廢輅置棺西牆下就牆橫其三面塗之不及棺者言橫中狹小裁取容棺然則天子諸侯差寬大矣士不橫掘地下棺見小要耳惟之鬼神尚幽闇也士達於天子皆然幬或作錡或作埽

**四**帷荒池柳魚榆齋薙戴翼

飾棺者以華道路及壙中不欲衆惡其親也。覆  
蒙也在旁曰帷在上曰荒皆所以衣抑也。士布  
帷布荒者白布也。君大夫加文章焉。黼荒緣邊  
爲黼文畫荒緣邊爲雲氣火黼爲列於其中耳。  
僞當爲帷或作于聲之誤也。大夫以上有褚以  
襯覆棺乃加帷荒於其上紐所以結連帷荒者  
也。池以竹爲之如小車笠衣以青布柳象宮室  
縣池於荒之爪端若承雷然云。君大夫以銅爲  
魚縣於池下掄掄翟也。青質五色畫之於絞繒。

而垂之以爲振容象水草之動搖行則又魚上拂池雜記曰大夫不揄絞屬於池下是不振容也士則去魚齊象車蓋蕤縫合雜采爲之形如爪分然綴貝落其上及旁戴之言值也所以連繫棺束與柳材使相值因而結前後披也漢禮翼以木爲筐廣三尺高二尺四寸方兩角高衣以白布畫者畫雲氣其餘各如其象柄長五尺車行使人持之而從旣窆樹於壙中檀弓曰周人牆置翼是也綏當爲綏讀如冠蕤之蕤蓋五

采羽注於翬首也

■ 輅車國車碑綽羽葆功布

君葬用輅者諸侯載柩在路而用輅當用輅車  
用輅非也 四綽二碑者綽有四條碑有二所  
此諸侯也天子則六綽四碑 御棺用羽葆者  
雜記云諸侯用匠人執羽葆以鳥羽注於柄木  
如蓋而御者執之居前以指麾爲節度也 大  
夫葬用輅者言輅非亦當爲用輅也 二綽二  
碑者碑各一孔樹於壙之前後綽各穿之也

士葬用國車者國亦當爲輅也二紼無碑者手  
縣下之 比出宮御棺用功布者比出宮謂柩  
在宮牆內也功布大功布也士用大功布爲御  
也大夫用茅自廟至墓士卑御自廟至大門牆  
內而止出路便否至墓不復御也隱義云羽葆  
功布等其象皆如麾

四龍輅蜃車軼軸

窆時下棺天子則更載以龍輅故遂師注云蜃  
車柩路也行至壙乃說更復載以龍輅是天子

殯用龍輅至壙去蜃車載以龍輅以此約之則諸侯殯以輅葬則用輅明矣若大夫唯朝廟用輅殯則不用輅葬時亦無輅也士則殯不用輅朝廟得用輅軸若天子元士葬亦用輅軸與大夫異禮有損之而益之也

**豐碑桓楹**

碑桓楹也者下檀弓云三家視桓楹是僭也則天子用大木爲碑謂之豐碑諸侯則樹兩大木爲碑謂之桓楹此經君稱二緯二碑故云桓楹

也謂每一碑樹兩楹

**四**棺入坎亦爲斂

封周禮作窆窆下棺也此封或皆作斂檀弓曰公輸若方小斂般請以機封謂此斂也然則棺之入坎爲斂與斂尸相似記時同之耳

**五**君封以衡大夫士以咸

凡封用縛去碑負引者封當爲窆窆謂下棺下棺之時將縛一頭以繫棺緘又將一頭繞碑間距盧所引之人在碑外背碑而立負引者漸漸

應鼓聲而下故云用紼去碑負引也 君封  
衡者諸侯禮大物多棺重恐柩不正下棺之時  
別以大木爲衡貫穿棺束之緘平持而下備傾  
頓也大夫士以咸者大夫士無衡使人以紼直  
繫棺束之緘而下於君也

**四**唯天子葬有隧

云禮唯天子葬有隧者案僖二十五年左傳云  
晉侯請隧王弗許曰王章也是隧爲天子與章  
諸侯請故知天子有隧也杜元凱注左傳闕地

通路曰隧諸侯皆縣柩而下路則輶也故遂輶注云至壙說載除飾更復載以龍輶是載以輶入隧道皇氏云棺從而下遂以納明器其說兼路也

**四**君以松黃腸爲槨大夫栢

君松槨者君諸侯也諸侯用松爲槨材也廬云以松黃腸爲槨庾云黃腸松心也大夫栢槨者以栢爲槨不用黃腸下天子也

禮記要義卷第二十二

禮記要義卷第二十三

祭法

■郊禘祖宗之說王鄭異

祭法有虞氏禘黃帝而郊嚳祖顓頊而宗堯夏  
后氏亦禘黃帝而郊鯀祖顓頊而宗禹殷人禘  
嚳而郊冥祖契而宗湯周人禘嚳而郊稷祖文  
王而宗武王注云禘郊祖宗謂祭祀以配食也  
此禘謂祭昊天於園丘也祭上帝於南郊曰郊  
祭五帝五神於明堂曰祖宗祖宗通言爾下有  
禘郊宗祖孝經曰宗祀文王於明堂以配上帝

明堂月令春曰其帝大昊其神勾芒夏曰其帝  
炎帝其神祝融中央曰其帝黃帝其神后土秋  
曰其帝少昊其神蓐收冬曰其帝顓頊其神玄  
冥有虞氏以上尚德禘郊祖宗配用有德者而  
已自夏已下稍用其姓代之先後之次有虞氏  
夏后氏宜郊顓頊殷人宜郊契郊祭一帝而明  
堂祭五帝小德配寡大德配衆亦禮之殺也正  
義曰此禘謂祭昊天於圜丘也者但經傳之文  
并禘非一其義各殊論語云禘自既灌及春猶

禘于太廟謂宗廟之祭也喪服小記云王者禘其祖之所自出也及大傳云禮不王下禘謂祭感生之帝於南郊也以禘文旣名故云此禘謂祭昊天上帝於圜丘必知此是圜丘者以禘文在於郊祭之前郊前之祭唯圜丘耳但爾雅釋天云禘大祭以此餘處爲大祭總得稱禘案聖證論以此禘黃帝是宗廟五年祭之名故小記云王者禘其祖之所自出以其祖配之謂虞氏之祖出自黃帝以祖顓頊配黃帝而祭故云以

其祖配之依五帝本紀黃帝爲虞氏九世祖黃  
帝生昌意昌意生顓頊虞氏七世祖以顓頊配  
黃帝而祭是禘其祖之所自出以其祖配之也  
肅又以祖宗爲祖有功宗有德其廟不毀肅又  
以郊與園丘是一郊即園丘故肅難鄭玄案易  
帝出乎震震東方生萬物之初故王者制之初  
以木德王天下非謂木精之所生玉帝皆黃帝  
之子孫各改號代變而以五行爲次爲何大微  
之精所生乎又郊祭鄭玄去祭感生之帝唯祭

一帝耳郊特牲何得云郊之祭大報天而主日  
又天唯一而已何得有六又家語云季康子問  
五帝孔子曰天有五行木火金水及土分四時  
化育以成萬物其神謂之五帝是五帝之佐也  
猶三公輔王三公可得稱王輔不得稱天王五  
帝可得稱天佐不得稱上天而鄭云以五帝爲  
靈威仰之屬非也玄以圜丘祭昊天最爲首禮  
周人立后稷廟不立嚳廟是周人尊嚳不若后  
稷及文武以嚳配至重之天何輕重顛倒之失

所郊則園丘園丘則郊猶王城之內與京師異  
名而同處又王肅孔晁玄虞夏出黃帝殷周出  
帝皇祭法四代禘此二帝上下相證之明文也  
詩云天命玄鳥履帝武敏歆自是正義非讖緯  
之妖說此豈主肅難大略如此張融以禘爲五  
年大祭又以園丘即郊引董仲舒劉向馬融之  
論皆以爲周禮園丘則孝經云南郊與王肅同  
非鄭義也

二 泰壇泰折用犢

燔柴於泰壇祭天也瘞埋於泰折祭地也用騂  
犢注云壇折封土爲祭處也壇之言坦也坦明  
貌也折炤哲也必爲炤明之名尊神也地陰祀  
用黝牲與天俱用犢連言爾正義曰云地陰祀  
用黝牲與天俱用犢連言爾者案牧人云陰祀  
用黝牲毛之鄭康成注云陰祀祭地北郊又社  
稷也又郊特牲云郊之用犢貴誠也彼文雖主  
南郊其北郊與天相對故知俱用犢也

三祭時寒暑日月星水旱四方等

埋少牢於泰昭祭時也相近於坎壇祭寒暑也王官  
祭日也夜明祭月也豳宗除星也雩宗祭水旱也四  
坎壇祭四方也山林川谷立陵能出雲爲風雨見怪  
物皆曰神有天下者祭百神諸侯在其地則祭之亡  
其地則不祭注云昭明也亦謂壇也時四時也亦謂  
陰陽之神也埋之者陰陽出入於地中也凡此以下  
皆祭用少牢相近當爲擗析聲之誤也擗猶卻也祈  
求也寒暑某時則或擗之或祈之寒於坎暑於壇王  
官日壇王君也日稱君官壇豳官域也夜明亦謂月壇

也宗皆當爲崇字之誤也幽崇亦謂星壇也星以昏始見崇之言營也雩崇亦謂水旱壇也雩之言吁嗟也春秋傳曰日月星辰之神則雪霜風雨之不時於是乎崇之山川之神則水旱癘疹之不時於是乎崇之四方即謂山林川谷丘陵之神也祭山林丘谷於壇川谷於坎每方各爲坎爲壇怪物雲氣非常見者也有天下謂天子也百者假成數也

**四**鄭謂祭時等非常禮王肅等謂六宗

正義曰時四時也亦謂陰陽之神也者以天是陽神地爲陰神春夏爲陽秋冬爲陰故云亦謂陰陽之神言亦者亦天地也案周禮大宗伯備列諸祀而不見祭四時寒暑水旱者宗伯所謂依周禮常祀歲時恒祭此經所載謂四時乖序寒暑僭逆水旱失時須有祈禱之禮非闕正禮之事故不列於宗伯也是以康成之意謂此諸神爲祈禱之禮故康成六宗之義不以此神尊之明非常禮也祭時者謂春夏秋冬四時之氣

不和爲人害故祭此氣之神也祭寒暑者或寒暑大甚祭以攘之或寒暑頓無祭以祈之祭水旱者水甚祭水旱甚祭旱謂祭此水旱之神若王肅及先儒之意以此爲六宗歲之常禮宗伯不見文不具也非鄭義今不取

**五**王者祭無不用牛

**六**天災有幣無牲亦有用牲

埋少牢之文在諸祭之首故知以下皆祭用少牢案小司徒小祭祀奉牛牲則王者之祭無不

用牛此用少牢者謂祈禱之祭也必知祈禱者以有寒暑水旱非歲時常祀是祈禱所爲故鄭皆以爲祈禱之祭也故讀相近爲攘祈之祈讀宗爲崇也然案莊一十五年左傳云凡天災有幣無牲此禱祈得用少牢者彼天災者謂日月食之示以戒懼人君初有水旱之災先須脩德不當用牲故天災有幣無牲若水旱歷時禱而不止則當用牲故詩雲漢云靡愛斯牲又鄭注大祝云類造儉崇皆有牲攻說用幣而已

六宗之說各不同

案聖證論王肅六宗之說用家語之文以此四時也寒暑也日也月也星也水旱也爲六宗孔注尚書亦同之伏生與馬融以天地四時爲六宗劉歆孔晁以爲乾坤之子六爲六宗賈逵云天宗三日月星也地宗三河海岱也鄭駁之云書云類于上帝禋于六宗望于山川旣六宗云禋山川言望則六宗無山川明矣大宗伯云以禋祀祀昊天上帝以實柴祀日月星辰以禋燎

祀司中司命觀師兩師凡此所祭皆天神也郊  
特牲曰郊之祭也大報天而主日配以月則郊  
天並祭日月可知其餘星也辰也司中也司命  
也風師也兩師也此之謂六宗亦明矣如鄭此  
言六宗稱禋則天神也日月也在郊祭之中又  
類于上帝之內故以其餘爲六宗也案禮論六  
宗司馬彪等各爲異說旣非鄭義今略而不論

八廟桃壇墀鬼之數

天下有王分地建國置都立邑設廟桃壇墀而

祭之乃爲親䟽多少之數是故王立七廟一壇  
一墀曰考廟曰王考廟曰皇考廟曰顯考廟曰  
祖考廟皆月祭之遠廟爲祧有二祧享嘗乃止  
去祧爲壇去壇爲墀壇墀有禱焉祭之無禱乃  
止去墀曰鬼諸侯立五廟一壇一墀曰考廟曰  
王考廟曰皇考廟皆月祭之顯考廟祖考廟享  
嘗乃止去祖爲壇去壇爲墀壇墀有禱焉祭之  
無禱乃止去墀爲鬼大夫立三廟二壇曰考廟  
曰王考廟曰皇考廟享嘗乃止顯考祖考無廟

有禱焉爲壇祭之去壇爲鬼適士三廟一壇曰  
考廟曰王考廟享嘗乃止顯考無廟有禱焉爲  
壇祭之去壇爲鬼官師一廟曰考廟王考無廟  
而祭之去王考爲鬼庶士庶人無廟死曰鬼注  
去建國封諸侯也置都立邑爲卿大夫之采地  
及賜士有功者之地廟之言貌也宗廟者先祖  
之尊貌也桃之言超也超上去意也封土曰壇  
除地曰墀書曰三壇同墀王皇皆君也顯明也  
祖始也名先人以君明始著所以尊本之意此

天子遷廟之主以昭穆合祫於二祧之中諸侯  
無祧藏於祖考之廟中聘禮曰不腆先君之祧  
是謂始祖廟也享嘗謂四時之祭天子諸侯爲  
壇墠所禱謂後遷在祧者也既事則反其主於  
祧鬼亦在祧顧遠之於無事祫乃祭之爾春秋  
文二年秋大事於大廟傳曰毀廟之主陳于大  
祖未毀廟之主皆升合食於大祖是也魯煬公  
者伯禽之子也至昭公定公久已爲鬼而季氏  
禱之而立其官則鬼之主在祧明矣唯天子諸

侯有主禘祫大夫有祖考者亦鬼其百世不禘祫無主爾其無祖考者庶士以下鬼其考王考官師鬼其皇考大夫適士鬼顯考而已大夫祖考謂別子也凡鬼者薦而不祭主制曰大夫士有田則祭無田則薦適士上士也官師中士下士庶士府史之屬此適士云顯考無廟非也當爲皇考字之誤

■十廟親四始祖一文武不遷

王立七廟者親四始祖一文武不遷合爲七廟

也一壇一墀者七廟之外又立壇墀各一也起  
土爲壇除地曰墀近者起土遠親除地示將去  
然也 曰考廟者父廟曰考考成也謂父有成  
德之美也曰王考廟者祖廟也王君也君考者  
言祖有君成之德也祖尊於父故加君名也  
曰皇考廟者曾祖也皇大也君也曾祖轉尊又  
加大君之稱也 曰顯考廟者高祖也顯明高  
祖居四廟之上故以高祖目之 曰祖考廟者  
祖始也此廟爲王家之始故云祖考也計則祖

考之廟當在二祧壇墀之上應合在後始陳今  
在此言之者因皇考顯考同皆月祭故此先言  
之也

十 遷主寄藏文武二祧鬼入石函

遠廟爲祧者遠廟謂文武廟也文武並在應遷  
之例故云遠廟也特爲功德而留故謂爲祧祧  
之言超也言其超然上去也 有二祧者有文  
武二廟不遷故云有祧焉 享嘗乃止者享嘗  
四時祭祀文武特留故不得月祭但四時祭而

已去桃而壇者謂高祖之父也若是昭行藏武王桃若是穆行即寄藏文王桃不得四時祭之若有四時之祈禱則出就壇受祭也去壇爲壇者謂高祖之祖也不得在壇若有祈禱則出就壇受祭也高祖之父既初寄在桃而不得於桃中受祭故曰去桃也高祖之祖經在壇而今不得祭故去去壇也去壇曰鬼者若又有從壇遷來壇者則此前在壇者遷入石函爲鬼雖有祈禱亦不得及唯禘祫乃出也

二十

官師一廟祖禰共之庶人鬼薦於寢

官師一廟者諸侯中士下士也謂爲官師者言爲一官之長也一廟祖禰共之又無壇也曰考廟者父立之也王考無廟而祭之者王考祖也雖無廟而猶獲祭也謂在考廟者去王考爲鬼者謂曾祖則不得祭又無壇若有祈禱則薦之於廟也庶士庶人無廟者庶士府史之屬庶人平民也賤故無廟也死曰鬼者旣其朝故死則曰鬼鬼亦行薦之於寢也王制云

庶父祭於寢是也

先公遷主藏后稷廟文武以下藏二桃

云天子遷廟之主以昭穆合藏於二桃之中者  
昭之遷主其數雖多總合藏武王桃中穆之遷  
主總合藏文王桃中故鄭周禮守桃先公遷主  
藏于后稷之廟先王之遷主藏於武王之廟鄭  
必知然者案文二年八月丁卯大事于大廟公  
羊傳云大事者何大祫也毀廟之主陳于大祖  
是毀廟在大廟祫乃陳之故知不啻以下先公

遷主藏於后稷廟也文武二廟既不毀則文武  
以下遷主不可越文武上藏后稷之廟故知藏  
於文武廟也

四十

凡廟皆曰桃不必遷主所藏

遷主所藏曰桃者是對例言之耳若散而通論  
則凡廟曰桃故昭元年左傳云其敢愛豐氏之  
桃彼桃遠祖廟也襄九年左傳云君冠必以先  
君之桃處之服虔注云曾祖之廟曰桃者以魯  
襄公於時冠於衛成公之廟成公是衛今君之

曾祖故玄曾祖之廟曰祧也

**計**大夫不得有主

**六**凡木主之制

玄不禘祫無主爾者雖有百世之鬼不得禘祫  
無主爾案左傳衛大夫孔悝有主者鄭駁異義  
從公羊說大夫無主許君謹案卿大夫士無昭  
穆不得有主鄭玄孔悝祫主者祭其所出之君  
爲之主耳宗廟之主所用之木案異義今春秋  
公羊說祭有主者孝享之主繫心夏后氏以松

穀人以栢周人以栗又周禮說虞主用桑練主以栗無夏后氏以松爲主之事許君謹案從周禮說論語所云謂社主也鄭氏無駁從許義也其主之制案漢儀高帝廟主九寸前方後圓圍一尺后主七寸文二年作僖公主何休云主狀正方穿中央達四方天子長尺二寸諸侯長一尺此是木主之制也

**十** 泰厲公厲族厲及山神之謬

士喪禮曰疾病禱於五祀云命與厲其時不

今時民家或春秋祠司命行神山神門戶竈在  
旁是必春祠司命秋祠厲也或者合而祠之山  
即厲也民惡言厲巫祝以厲山爲之謬乎春秋  
傳曰鬼有所歸乃不爲厲曰泰厲者謂古帝王  
無後者也此鬼無所依歸好爲民作禍故祀之  
也曰公厲者謂古諸侯無後者諸侯稱公其鬼  
爲厲故曰公厲曰族厲者謂古大夫無後者鬼  
也族衆也大夫衆多其鬼無後者衆故言族厲

卷之六  
星序星辰以著衆

帝譽能序星辰以著衆者譽能紀星辰序時候以明著使民休作有期不失時節故祀之也

**二十** 鯀非誅死乃放歸東裔不反

鯀郭鴻水而殛死者鯀塞水無功而被堯殛死于羽山亦是有微功於人故得祀之若無微功焉能治水九載又世本云作城郭是有功也鄭答趙商云鯀非誅死鯀放居東裔至死不得反於朝禹乃其子也以有聖功故堯與之若以爲殺父父用其子而舜禹何以忍乎而尚書云鯀

則殛死禹乃嗣興者箕子見武王誅紂今興已  
言懼其意有慙德爲說父不肖則罪子賢則舉  
之以滿武王意也 恐不然

**三**大夫無主遷廟則以制幣招神而藏

云唯天子諸侯有主帝祫者案王制天子諸侯  
有禘祫故知有主云大夫有祖考者亦鬼其百  
世者案王制云大夫三廟一昭一穆與大祖而  
三大祖即是大夫之祖考既有祖考明應遷之  
祖以制幣招其神而藏焉故云亦鬼其百世大

夫若無考者祇得立曾祖與祖及父三廟而已  
則不得鬼百世也

禮記要義卷第二十三